
DISPUTATIO MEDICA

INAUGURALIS,

DE

DYSPEPSIA.

6
DISPUTATIO MEDICA
INAUGURALIS,

DE

DYSPEPSIA;

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S. S. T. P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subjicit

JOANNES NELSON SCOTT,

EX

INSULA MONA.

Societ. Reg. Medic. Edinburg. Soc. Extr.

Ad diem 12. Septembris, hora locoque solitis.

EDINBURGI:

Apud BALFOUR et SMELLIE,
Academiae Typographos.

M,DCC,XCV.

Digitized by the Internet Archive
in 2020 with funding from
Wellcome Library

PRINCIPI

EXCELSISSIMO, POTENTISSIMO, NOBILISSIMOQUE,

J O A N N I,

ATHOLIÆ DUCI ET MARCHIONI;

TILIBARDINI MARCHIONI ET COMITI;

STRATHTAI ET STRATHERDALIÆ COMITI;

BLANQUIHIDDERI, GLENALMONDII, ET GLEN-

LEONIS VICECOMITI;

MORAVIÆ, BALVANIÆ, ET GASCIÆ BARONI;

FALCOLANDIÆ CUSTODI;

MONÆ ET INSULARUM REGULO;

NECNON

STANLAEÆ IN GLOCESTRIA BARONI MORAVIO;

STRANGLÆ COMITI;

PROXIMO AD DIGNITATEM BARONIS STRANGII,

KNOCKINI QUOD IN PRAEFECTURA SALOPENSI EST,

HAEREDI;

PRAEFECTURÆ PERTHENSIS PRAEFECTO REGIO;

MONÆ REGI VICARIO, PROCURATORI, CANCELLARIO,

STRATEGO, IMPERATORI;

DUARUM MONÆ PRAESIDIARIARUM LEGIONUM

MILITUM TRIBUNO;

OB

BENEFICIA,

IN ILLUM PATREMQUE COLLATA,

HANC DISPUTATIONEM,

GRATI ANIMI

TESTIMONIUM,

D. D. CQUE

JOANNES NELSON SCOTT.

DISPUTATIO MEDICA

INAUGURALIS,

DE

DYSPEPSIA.

P R O Æ M I U M.

§ I. **L**ICET omnes voluptates, quae nobis cum belluis communes sint, cultu et scientiis multiplicentur, et appetitus immodici, quos nova moveant incitamenta, iis expleantur artibus, quae luxuriae ministrent; tamen, emollescente civitate, ubi pro pudore, pro abstinentia, pro virtute, impudicitia, pravae cupidines, luxuria, et inertia invadunt atque vigent, plurimis plectimur morbis, quibus carent imperitae

A

gentes,

gentes, quae, labore famem tolerantes, necdum deditae corporis gaudiis, non per luxum atque ignaviam aetatem agunt.

II. E morbis, quibus homines cultu et artibus emolliti, prae feris et imperitis, opportuni sunt, est is, qui in quadam ventriculi infirmitate consistit, et cui, apud medicos, nomini *dyspepsia* est.

III. Quibus causis enascatur hic (II.) morbus, et quibus notis insigniatur, cognoscere; atque, qua ad sanitatem perducatur ratione, scire; maximi momenti est: non quia gravis morbus est aut fatalis; sed quia tantum parti, cui infidet, cum universo corpore intercedit consortium, ut, illa malè se habente, omnes hujus functiones, plùs minùs, perturbentur.

IV. Hic (II.) morbus omnium aetatum, omnium temperamentorum, omniumque regionum communis

communis est; neque profectò satis constat, utrùm mares saepius, an foeminae, in eum incidant. Ipse enimvero, quippe cùm lentus sit morbus, est plurimorum, in praesentia, malorum materies; et, nisi aptis medicamentis adhibitis opportunè depellatur, vires et animi et corporis labefactando efficit, ut graviora adhuc, et inter se dissimillima, superveniant.

V. Ex scriptis ARETAEI et CELSI satis constat, morbum, de quo disputamus, et GRAECIS et ROMANIS familiarem fuisse.

VI. Cùm concoctio alimentorum, ad incolumentatem corporis conservandam, tam necessaria sit, non est, cur miremur, vetustos auctores ventriculum, quo consistit hic morbus, caeteris corporis partibus praestare, opinatos esse. Ille enim non solùm praepollet acerrimo sensu, sed etiam tantum habet consortium cum caeteris partibus, etiam iis quae longissimè distant, ut, his morbidis,
ille,

illè, illo hae, plùs minùs perturbentur, neque propriis muneribus fungantur.

VII. Utrùm verò in iis, quae assumpta alimenta malè concoquunt, aegritudo caeteri corporis ex infirmitate ventriculi nascatur, an haec ex aegritudine caeteri corporis, nondum, inter medicos, convenit. Existimatio communis omnibus est, et rem utrinque disputabilem versare in utramque opinionem licet.

VIII. Mirum est, hunc morbum recentioribus medicis adeo levem visum esse, ut scriptis ferè silentio praeteriverint. Eum profectò attigerunt HOFFMANUS, BOERHAVIUS, et SWIETENUS, sed permistè tantùm, dispersè, et quasi cursim: et, absque foret TISSOTIO, HOMIO, et CULLENO, qui eum discretè, electè, et fusè prosecuti sunt, nihildum ferè de eo cognovissemus.

DEFINITIO.

IX. *Dyspepsia* a CULLENO sic definitur :

1. “ Anorexia, nausea, vomitus, inflatio,
 “ ructus, ruminatio, cardialgia, gastrodynia,
 “ pauciora saltem vel plura horum simul con-
 “ currentia, plerumque cum alvo adstricta, et
 “ sine alio vel ventriculi ipsius, vel aliarum
 “ partium morbo.” *

2. VOGELIUS *dyspepsiam* in generibus ejus
nosologiæ disposuit ; sed tantum abest, ut propriis
 signis eam definiat, ut, verso tantum LATINE
 GRAECO nomine, “ *tardam difficilemque concoc-*
 “ *tionem*” appellet †.

HIS.

* Vid. CULLEN. *Synops. Nosolog. Method.* tom. II.
 Class. II. Ord. II. Gen. XLV.

† Vid. VOGEL. *Gener. Morb.* Class. VI. Gen.
 CC, LXXVII.

DE DYSPEPSIA.

HISTORIA MORBI.

X. Prima plerumque signa sunt sensus plenitudinis et ponderis in ventriculo : circa praecordia, praecipuè post cibum assumptum, aliquid doloris et aegritudinis : appetitus deficiens : animus tristitulus et demissus : inflatio ventriculi et intestinorum, unde spiritus et suprà et infrà cum sonitu erumpit : dolor colicus : flatus et ructus.

XI. Interea, alvus plerumque adstricta est, sed interdum soluta. Quae dejiciuntur, ea per saepe viridi sunt colore; qui fortasse efficitur mutatione, quam bilis, ex nimio acido ventriculi secum commixto, subit. Dolet ventriculus, primùm leviter tantùm et subinde; sed, inveterascente morbo, graviùs et ferè continenter.

DE DYSPEPSIA.

XII. Seriùs ociùs aeger, quid sibi fit rei, certior fit, et morbus multùm ingravescit. Dissolutus stomachus nihil ferè alimenti appetit; vel assumptum nauseat, imò haud rarò nondum confectum subitò evomit. Simul, vel haud multò pòst, aeger eructat liquorem plerumque acidum, modò autem rancidum, modò putridum, modò amarum. Eodem tempore, ardor ventriculi est, et aliquid muci tenacis exspuitur.

XIII. Eorum, qui hoc morbo marcescunt, nonnulli assumptum alimentum, pòst paulò, bovum instar, ruminant. Eorum anima foetet; lingua arida plerumque est, vel albido quodam flavove fordida. Tempore matutino sitiunt multùm, et propter internarum faucium siccitatem, continenter ferme tussiunt. Uvula, et velum pendulum palati *, nonnunquam magnopere relaxantur.

XIV.

* Vide WITHERS, *Observations on Chronic Weakness*, pag. 8.

XIV. Quinetiam caput, ex transverso frontis, dolet, et simul vertigine afficitur : parùm autem turbatur intellectus. Saepenumero, cùm peracutus dolor sit, oculi hebescent, neque res obiectas accuratè discernunt. Aures, matutinis potissimùm horis, multùm sonant : et iis, qui nimis irritabiles sunt, anima aegrè reciprocatur ; cor palpitat ; et nonnunquam anima deficit.

XV. Arteriae plerumque celeriter, ferè semper imbecilliter, micant. Cutis, minutâ per eam exhalatione, tactu arida est ; atque aeger de frigore, praecipuè in extremis partibus inferiorum membrorum, et in ventriculi regione, conqueritur. Urina saepenumero naturalis est ; verùm interdum tamen turbida et subrubra, vel pallida et nimis copiosa.

XVI. Somnus vel aegrum refugit, vel, si quando obrepserit gratus, subinde aut insomniis turbatur, aut subitò interpellatur.

XVII.

XVII. Porrecto in longum morbo, corpus universum flaccescit : motum, in primis post assumptum cibum, aeger averfatur ; et vel levissimâ exercitatione brevi defatigatur. Cutis ubique pallida est, interdum lurida, aut flava. Facies itidem pallescit, et cadaverosa fit. Oculi hebetes fiunt atque natantes. Pallescunt, vel potiùs livescunt, labra.

XVIII. Animus etiam marcet ; irritabilis fit ; causis vel levissimis in iram rapitur ; atque, corporis instar, ignavus est et iners. Attendendi, cogitandi, et judicandi, ut valida solebat, mens incapax est. Quinetiam, neque, ut debet, praeterita reminiscitur, neque recognita dispositè ordinat. Aliàs autem parùm omnino afficitur.

XIX. Nonnulli aegri continuo ferè timore anguntur, ne levissimis causis valetudo ingravescat. A labore timent ; timent a humore ; omnis eos

aura terret : atque inanis ipse timor auget morbum.

XX. Propter insolitam ventriculi et alvi mobilitatem, et concitatum nimis hujus motum, alimentum inconfectum dejicitur. Malum hoc signum, unà cum salivâ nimis copiosâ, in *dyspepsiâ* inveteratâ haud infrequens est. Tum quoque signa complura hydropis apparent ; atque corpus, jam multùm laxatum, sudore nocturno et alvi profluvio ad ossa quasi et pellem colliquet *.

XXI. Tantis totque malis confectus aeger, labentibus annis, impar muneribus, gaudiis impar, cuique nullum in spe quidem superest solatium, vel miseram protrahit vitam, vel lentae morti occumbit.

XXII. Interdum, sed rariùs, hoc morbo impliciti,

* Vid. WITHERS, *On Chronic Weakness*, pagæ 14. & 15.

pliciti, alimentum solito cupidiùs appetunt, et oblatum edaces devorant. Haec edacitas acidâ quadam vel acri materiâ ventriculum stimulan-
te fortasse efficitur. Qui sic ventri obediunt, ii pristinum vigorem retinent, neque macilenti fi-
unt; atque dissolutio stomachi, de qua conquere-
runtur, magis forsitan ex ingurgitatione enasci-
tur, quàm pravâ concoctione.

XXIII. Foeminae, quae aliquandiu *dyspepsiâ* laborârunt, saepe menses, constitutis naturâ tem-
poribus, non profundunt; sed debiles et mobi-
les factae, causis vel levissimis identidem corri-
piuntur.

XXIV. Ferunt, porrò, auctores, eos, qui *dyspepsiâ* tentantur, interdum lateris et *epigastrei* doloribus affici. Hos verò de consortio, quod his partibus intercedit cum ventriculo, pendere, vel potiùs de rheumatismo musculorum externo-
rum, verisimile est; cùm praesertim, ferè in
proverbium

proverbium cefferit, eos, quorum stomachus dissolvitur, et qui ideo acida eructant, minimè omnium in pleuritidem incidere.

XXV. *Dyspepsia*, qua interdum marcescunt infantes, insignitur acore ventriculi et intestinorum, et faecibus, quae hinc transmittuntur, colore viridibus.

XXVI. *Dyspepsiam* diu protractam committere posse; ut in jam calculosis ingenerentur calculi, aut etiam ipsam homines jam primùm calculosos reddere, vero, ut nobis videtur, non absimile est.

XXVII. Unquamne, in proclivibus, *phthisin dyspepsia* concitat? Nunquando longâ *dyspepsiâ* confecti, prae caeteris, duritiâ *pylori* vexantur?

DIAG.

D I A G N O S I S.

XXVIII. Signorum similitudine adducti, medici, ni, ad eorum causas cognoscendas, animos intenderent, similia iisdem semper medicamentis levare conarentur: quo, profectò, nihil absurdius, nihil inutilius, nihil demum alienius esse potuit. Prudens autem medicus, qui solet animadvertere, quibus ex causis morbi coeperint, et experientia monitus, quàm saepe fallant signa, quorum origo nondum cognita sit, non omnem dolorem eadem curatione discutere aggredietur.

XXIX. Cùm igitur non curari id, quod aegrum est, possit ab eo, qui, quid sit, ignoret, uniuscujusque profectò medici interest plurimi, morbos, alio alium, accuratè dignoscere.

XXX.

XXX. Prima origo causae, unde *dyspepsia* coeperit, vel in ipso ventriculo potest esse, vel in aliis partibus corporis. *Dyspepsia* enim ulcerationi ventriculi, duritiis *pylori*, et redundantiae bilis supervenit; necnon capitis dolori, renum calculis, et *amenorrhoeae*, quam *chlorosin* nonnulli perperam nominârunt.

XXXI. Morbi, quibus maxima est similitudo cum *dyspepsia*, sunt podagra *atonica*, et *pylori* duritia.

XXXII. *Podagra* (xxxii.) *atonica*.—Primariam *dyspepsiam*, ab ea secundaria, cui podagrici, prae caeteris, opportuni sunt, distinguere, arduum imprimis et difficile est. Quò, utrâ duarum conflictetur aeger, cognoscamus, hujus praeteritae valetudinis, potiùs quàm malorum quibus in praesentia prematur, ratio habenda est.

XXXIII. 1. Hunc (xxxii.) in finem, animadvertendum

advertendum est, quibus parentibus aegrotans ortum ducat; qua aetate sit; mas sit, an foemina; qua corporis magnitudine sit; demumque, crassane ei, necne, cuticula. His enim cognitis, discernere, podagrâ *atonicâ*, an *dyspepsiâ* laboret, non arduum erit.

2. Intelligendum, porrò, est, illum morbum, quamvis stomachum interdum subitò petat, et gravem ibi dolorem moveat, tamen plerumque *anorexiam* tantummodo, et alia quaedam *dyspepsiae* signa, unâ cum doloribus, et musculorum, hîc illic corporis, distentionibus, efficere, atque animum tristem et demissum reddere.

3. Si haec (xxxiii. 2.) signa omnia, vel ex his pleraque levantur, quoties pollicem alterutrius pedis podagra excruciet, et, hac illinc subitò recedente, graviora reddantur, animo incertus non erit medicus, utro morborum aeger vexetur.

XXXIV. Etiamſi *dyspepsia* et *podagra atonica* eadem ferè ratione curandae ſint, tamen minimè dubium eſt, quin illa, ex opinione, podagrae prolem eſſe, multo gravior reddatur adhibitis medicamentis, quae corpus ſtimulant. Hinc apparet, quanti et aegro et medico momenti ſit hos morbos internoscere, cùm ex alterutrius errore ille haud leve detrimentum faciat.

XXXV. *Pylori (xxxI.) duritia*—1. In hoc morbo, dolor in eadem parte perpetuus eſt, qui interdum multùm intenditur preſſurâ; in ſtomacho ipſo eſt calor inſolitus; concoctio magno-
pere impedita; illico, poſt aſſumptum alimentum, vomitus et graviffimus dolor; alvus perquam compreſſa; ventriculi acor acerrimus; interdum tumor, ventriculi regione contrectatâ, tactu perceptus; et, quod huius morbi proprium eſt, ſanguinei aut purulenti quid in iis, quae ſuprà infràve erumpunt *.

2.

* Aud. Mon. *Praeleſt. Path.* ann. M,DCC,XCII.-III.
III.-IV. IV.-V.

2. Quinetiam, ei, qui *pylori* duritiâ laborat, est facies multo magis cadaverosa, quàm ei est, qui *dyspepsia* conflictatur, et multo citiùs supervenit febris *hectica*.

XXXVI. *Dyspepsiam* et *hypochondriasm* genere discrepare, CULLENUS opinatur; quòd, si melancholici aetate jam provecti, malâ concoctione laborant, eorum animus multò magis contristatur, quàm is eorum, qui temperamento sanguinei, et aetate juniores, ejusdemmodi concoctione marcescunt.

XXXVII. 1. Contra hanc verò CULLENI opinionem dici potest, homines, quibus alia, quàm melancholicum, temperamenta sunt, *hypochondriasi* affici, et, secùs ac ratus est hic auctor, eos, qui hoc morbo contristantur, eos ferè numero adaequare, qui tentantur *dyspepsiâ*. Quinetiam, experientiâ quorundam medicorum, quorum nu-

mero sunt HOMIUS* et GREGORIUS†, constat, utrosque morbos ex iisdem causis enasci, iisdem notis insigniri enatos, et eâdem ratione sanari.

2. A. Ex variante adeo, dum vivitur, et mutabili hominum animo, quem tam aptè descripsit ipse CULLANUS, concipere possumus, quâ obrem aetate provecti, malis, quibus afficiuntur, perseverantiùs occupentur, quàm ii, quibus, ob aetatem, integer etiamnum sanguis est.

B. Verùm, ut vetuli suis malis pertinaciùs versentur, quàm juniores, aliquâ forsan ex parte, efficere potest major illorum ventriculi infirmitas, longiore vel vehementiore stimulatione inducta. Est enim verisimillimum, quo magis dissolvitur stomachus, eo quoque magis contristari animum; et, si veteratas *dyspepsias* aequè,
ac

* Aud. HOM. *Praelect. Clinic.* ann. M,DCC,XCIV.-V.

† Aud. GREGOR. *Praelect. Pract.* ann. M,DCC,XCIV.-V.

ac recentes, facile curare possemus, paucos tantummodo *hypochondriacos* fore.

3. Certiores nos facit GREGORIUS, generosam vetulam, quae *dyspepsiâ* et simul animo demisso, usque eò, per complures annos, laboraverat, ut et ipsi et amicis oneri esset, tandem ab infirmitate ventriculi convaluisse, simulque pristinam animi hilaritatem redeptam esse.

4. Ad hoc, *hypochondriasis* nunquam, quantum accepimus, accidit, nisi iis, qui causis, quales *dyspepsiam* efficiant, objectati sunt; neque ullus enarratur *hypochondriacus*, qui animo demisso prius erat, quam aliquandiu alimentum jam malè concoxerat ejus ventriculus. Si ex aliis causis, quam quae *dyspepsiam* concitant, oritur *hypochondriasis*, dubitari non potest, quin illas enumeravisset accuratus CULLENUS.

5. Cui, porrò, etiam firmissimo, est idem,

ante

ante prandium, animus, ac post? Unde, nisi ex ventriculi conditione, tanta haec diversitas?

6. Quinetiam, quare infani, et melancholici, quibus, prae caeteris, ut putat CULLENUS, sunt fibrae musculosae rigidae, non semper alimentum malè concoquunt? Oportet enim hoc accidere, si vera sint ea, quae de *hypochondriasi* dixit.

7. Utrùm, re ipsâ, diversi morbi sint *dyspepsia* et *hypochondriasis*, necne diversi, constituere imprimis difficile est. Verùm hoc ab ipso quidem CULLENO conceditur, ventriculum semper, dum demisso aliquis animo est, alimentum malè concoquere. Tam igitur, me iudice, convenit naturae corporis, et experientiae medicorum, credere, *hypochondriasin* ex malè se habente ventriculo enasci, quàm ex musculis rigidis, nervis torpidis, aut ex speciali arteriarum et venarum inter se ratione. Quocirca, inclinatur animus,

mus, ut credam, iis, quae in *primis lineis* *
(M,CC,XXXVIII.—M,CC,XLII.) dixit CULLENUS,
parum fidei habendum esse, vel potiùs, in cu-
randâ *hypochondriasi*, ea omnino esse negligenda.

XXXVIII. *Pyrosis*, notis, quibus a LINNAEO
et CULLENO describitur, satis a *dyspepsia* dis-
tinguitur: verùm intelligendum tamen est, in
hoc morbo interdum esse signa, iis haud absimi-
lia, quae conspiciuntur in illo.

CAUSÆ REMOTÆ.

XXXIX. Nonnullos, prae caeteris, esse in
hunc morbum proclives, verisimillimum est; eò
quòd multi, per longam vitam, iis sibi in-
dulgent, quae, in opportunis, eum concitare
solent,

* Edit. 1791.

solent, et nihilo tamen magis eo plectuntur. Verùm, utrùm proclivitas sit sanguineum temperamentum, an labes quaedam haereditaria, ut interdum videtur, non satis constat.

XL. Causarum, quae *dyspepsiam* concitant, hoc commune est, quòd ventriculum vel rectà infirmant, vel minùs rectà, infirmato priùs universo corpore. Harum praecipuae sunt,

- | | |
|--------------------------|---|
| 1. Opium ; | mis, vel parùm |
| 2. <i>Nicotiana</i> ; | nutriens ; |
| 3. Liquores meraciores ; | 11. Vita sedentaria ; |
| 4. <i>Thea</i> ; | 12. Motus animi ; |
| 5. <i>Coffea</i> ; | 13. Somnus vel nullus vel nimius ; |
| 6. Amara ; | 14. Concubitus nimis frequens ; |
| 7. Aromatica ; | 15. Frigus, cum humore, corpori inexercitato admotum. |
| 8. Ingurgitatio ; | |
| 9. Vomitio frequens ; | |
| 10. Diaeta parca ni- | |

XLI. *Opium, nicotianam, liquores meraciores, theam, coffeam, amara, aromatica*,—et stimulan-
di et sedandi facultate pollere, inter omnes ferè
medicos convenit. Dubitari igitur vix potest,
quin frequens et multus horum usus sensum et
irritabilitatem hebetet, et motum reprimat.
Sed, utcumque agant, certò scimus, si in eorum
usu diu perseveretur, non solùm ventriculum
dissolvere, sed etiam totum corpus infirmare.

XLII. Quod ad *nicotianam* speciatim attinet,
qui eam mandunt, si salivam usque eò expuunt,
ut tantum non devoretur, quantum ad bene con-
coquendum necessarium sit.

XLIII. Nonnulli existimârunt, detrimentum,
quod ex *thea* et forsan ex *coffea* ventriculus
facit, non tam ex his ipsis, quàm ex aqua tepi-
da, quacum assumuntur, oriri. Experimentis
autem, iis imprimis CULLENII, SMITHII*, et

LET-

* Vid. T. SMITH. Tentam. Physiolog. Inaug. de Ac-
tione

LETTSONII *, adducimur, ut contrariam opinionem accipiamus; eoque magis, quod olim nostri majores, etiamfi, vel nondum cognitis *theâ* et *coffea*, verisimillimum fit; eos aquam tepidam in ventriculum affatim assumpfisse, multò rariùs, quàm nos nequiores minores, *dyspepsiâ* marcuisse videntur.

2. “ I have,” ait CULLENUS, “ a stomach
“ very sensible, which I have found to be hurt
“ by Tea, which I attributed to the warm water;
“ but having used some indigenous plants
“ with the same heat of water, I found no harm
“ ensue; and this I have repeated above fifty
“ times †.”

XLIV.

tiōne Musculari, Appendic. pag. 26. Exper. 36.—EDIN.
M,DCC,LXVII.

* Vid. J. C. LETTSOM. *Natural History of the Tea-Tree*, &c. Sect. III. Exper. 3. 4. et Sect. XV.

† Vid. CULLEN. *Lectures on the Materia Medica*, p. 358.
Edit. Lond. 1773.

XLIV. *Ingurgitatio et vomitio frequens.*—Nimiam ventriculi dilatatione, et violentis vomendinis, quibus intestina sursum moventur, ventriculus, praecipuè infantum lactentium, usque adeo infirmatur, ut ejus fibrae sese contrahendi potentiam amittant, ideoque concoctio, appetitus, et vigor corporis magnopere minuantur.

XLV. *Diaeta parum nuticiens*—ab ARETAEO, neque ineptè, ut causa dissolutionis ventriculi memoratur. “Familiare est etiam id vitium
“illis, qui tenui victu et duriore coacti sunt
“uti *.” ARETAEO, hac de re, accedit GREGORIUS. *Diaeta tenuis dyspepsiam*, ut verissimum videtur, efficit, vel quia ex ea non paratur satis nutrimenti, vel quia non satis ipsum ventriculum incitat.

XLVI. *Vita sedentaria, motus animi, et somnus*

D

vel

* Vid. ARET. CAPTAD. *De Caus. et Curat. Morbor.* lib. II. cap. VI.

vel nimius vel deficiens.—1. Quantum haec ventriculo noceant et toti quidem homini, benè exprimitur sequentibus verbis. “ Desidia, five
“ animi five corporis, utriusque vires languescunt: nimia exercitatione haud minùs laeduntur. Statuit enim provida rerum Parens,
“ ut singularum partium, et universi corporis, animique vires usu roborentur, et acuantur;
“ et huic iterum certos fines posuit: ita ut neque, quem voluit natura, usus impunè omitatur, neque ultra modum intendatur.

“ 2. Caeterùm et ab iis, quas nullo nostro arbitrio regimus, tam animi quàm corporis functionibus, valetudinis discrimen non leve esse potest. Animi imprimis affectus, qui modici gratè excitant, vehementes, aut graves et diuturni, hujus pariter ac corporis vires frangunt; hominem interdum statim extinguunt, saepius longa valetudine macerant. Somni etiam, quo ad exhaustas vires reficiendas egemus,
“ excessus

“ excessus vel defectus, et animo et corpori no-
cent *.”

XLVII. *Concubitus nimis frequens.*—Ut absorptum semen corpus robustum et validum reddit; sic, imprimis ante firmam aetatem, frequens concubitus, utpote quo hic humor justo copiosius profundatur, et qui musculos, quibus emittitur, nimio opere convellat, simulque nervorum genus nimis incitet, non solum organa debilitat ad res venereas necessaria, sed etiam universum corpus solvit et infirmit. Eviratus imberbis, et corpus et animum effoeminatus, satis superque ostendit, quam necessarius, ad virilem corporis vigorem conservandum, sit humor foetificus.

XLVIII. *Frigus, cum humore, corpori inexercitato admotum.*—*Dyspepsiam* hac causa effici, idcirco a nonnullis cogitur, quod hieme ut frequentior est, sic curatu difficilior. Quare ita sit, facile explicari,

* Vid. GREGOR. *Conspect. Medicin. Theoret.* § 60.—61.

explicari potest. Frigus enim, quanquam corpori robusto et satis exercitato, quod vi ejus sedanti satis renitatur, admotum, halitum cutis evocat, et appetitum movet; tamen eorum corporibus admotum, qui, velut illi *dyspepsiae* opportunissimi, prae debilitate et irritabilitate, ejus sedandi facultati satis reniti nequunt, nimium jam languorem et torporem adauget, et sic, infirmato ventriculo, committit, ut concoctio vel mala fiat, vel, jam mala, aegrius et tardiùs in sanam vertatur. Multo autem plùs valet, si simul aër sit humidus. Humor enim summam cutem relaxat; et, ob consortium, quod, nervorum interventu, extremo corpori est cum ventriculo, hunc usque eò infirmat, ut HOMIUS luculenter dixerit, *dyspeptici* ventriculum *hygrometrum* esse minimè aspernandum*.

CAUSA

* Aud. Hom. *Praelect. Clinic.* ann. M,DCC,XCIV.-V.

CAUSA PROXIMA.

XLIX. Priùs, quàm hanc rei nostrae partem tractamus, haud alienum erit memorare, qua in hominibus vi alimentum concoquatur.

L. Vis concoctionis efficiens, ut his auctoribus videtur, calor est * ; ut illis placet, putredo † : nonnulli trituram esse putant ‡ ; alii fermentationem || : denique non desunt, qui opinantur, alimenta *jucco gastrico* cogi primùm, deinde actione ipsius ventriculi subigi et concoqui §.

LI. Verùm hae (L.) opiniones, utcunque speciosis

* HIPPOCRAT GALEN.

† EMPEDOC PLISTONIC LISTER. KNIGHT. et al.

‡ ERASISTRAT. BORELL. PITCAIRN. et al.

|| BOERHAV. PRINGEL. MACBRID. et al.]

§ GEORG. FORDYC.

ciosis argumentis defendantur, tamen omnes habent, quibus contradicamus. Experimentis enim MONRONIS, SPALLANZANII, STEVENSII, et HUNTERI, satis constat, in humano ventriculo vel secerni vel effundi liquorem, qui cum alimentis solutis se in unitatem commiscet; atque liquorem, ex commixtis his duobus compositum, ventriculo expelli in *duodenum*, ubi in *chylum* convertatur.

LII. Liquor (LI.) ventriculi devoratum alimentum solvendi vi pollet; quam, vel non adjuvantibus musculosis ventriculi fibris, exercere, propterea novimus, quòd, etiam extra corpus, alimentum dissolvit, imò ipsum, post mortem, ventriculum. Quinetiam, multum obstat, quominus res, quibuscum commiscetur, fermentescant aut putrescant.

LIII. Cum ita (LI.-LII.) sit, nobis videtur, ventriculi (LI.) liquorem, quem, ipsorum lin-

guâ,

guâ; *succum gastricum* appellant medici, efficientem concoctionis causam esse, simul fortasse adjuvantibus salivâ, escarum confectione, et speciali fermentatione.

LIV. His (L.-LIII.) cognitis, nunc, qua causâ rectâ enascantur *dyspepsiae* signa, nobis perquirendum est. Multùm a variis auctoribus vertitur, quid haec sit; et, quò nosmet vertamus, ferè nescimus.

LV. Nonnulli existimant, causam, qua, interveniente nullo, signa, *dyspepsiae* oriuntur, esse cruditatem, de qua profectò plerumque queruntur ii, qui malè concoquere solent. Rem ita esse, sibi persuadent auctores, propterea quòd, qui hoc malo conflictantur, ii ex ventriculo subindè liquorem tenacem eructant.

LVI. Alii, imprimis FOTHERGILIUS†, medicus

†. Vid. *Lond. Med. Observat. et Inquir.* vol 6. pagæ 107,

109, 110, 113.

cus peritus et omni virtute ornatus, rati sunt, causam, qua rectà efficitur *dyspepsia*, esse bilem nimiam in ventriculo et intestinis. Ita esse, in animum induxerunt, eò quòd iis, qui hoc morbo tentantur, cutis interdum flaccescit, et fellea quaedam suprà erumpunt.

LVII. Hae verò (LV.-LVI.) causae utraeque, nulla re, praeterquam nomine, causis veris conveniunt: neutiquam enim morbum, de quo disputatur, efficiunt, sed eo efficiuntur. Idem dici potest contra HOMIUM, qui putat, *proximam* huius morbi causam in debili intestinorum motu consistere. “Motus”, ipsius verbis loquor,”
 “peristalticus primarum viarum debilitatus, vel
 “nonnunquam impeditus, et inordinatae frequentesque *duodeni* ipsiusque ventriculi spasticae constrictiones †”.

LVIII. Causa, ex qua, velut stipite, pullulant

† Vid. HOM. *Princip. Medicin.* pag. 258.

stant signa *dyspepsiae*, est, ut CULLENO videtur, ventriculi musculorum infirmitas. Verùm, recognitis iis, quae suprâ (LI.) de escarum concoctione diximus, manifestum est, debilitatem fibrarum musculosarum, nullo alio modo concoctionem depravare posse, quàm pravum ventriculi liquorem reddendo.

LIX. Cùm ita (LVIII.) sit, nobis concludere fas esse videtur, causam, qua, velut communi trunco, enascuntur signa *dyspepsiae* propria, esse *ventriculi succum vel deficientem vel corruptum*.

LX. Alia adhuc est opinio, quae non praetereunda est, cujus auctori verisimilius “ videtur, secundum notitiam nostram *oeconomiae animalis*, credere, ventriculi debilitatem, quantitatem *succi gastrici* potiùs, quàm ejus qualitatem, mutare *”. Auctor modo, qui huic

E

opinionì

Vid. WILSON. Dissert. Inaugur. de *Dyspepsia*. EDIN. M,DCC,XCII. pagæ 10. et sequent.

opinionem sit consentaneus, *dyspepsiae* causas, signa, et curationem exponere conatus est.

LXI. Huic verò (LX.) opinioni objici potest, verisimillimum esse, succum *gastricum*, cum quantitate mutetur, plus minus itidem, haud secus atque alia secreta, mutari qualitate. Alicujus enim, qui distillatione afficitur, narium mucus, dum solito copiosior est, solito quoque est acrior; atque lac iratae nutricis, quod justo parcius est, dotibus adeo vitatur, ut gravi vomitione, et interdum convulsionibus, infantem infan-tem afficiat.

RATIO QUORUNDAM SIGNORUM.

LXII. *Anorexia*.—Cum ordinata esca-
rum appetentia ex salutaris, et quod ad quantitatem et
qualitatem, ventriculi liquoris conditione, mag-
na

na ex parte, pendeat; esse non potest, quin, hoc deficiente, vel quoquomodo vitiato, *anorexia* seu appetitûs defectus efficiatur.

LXIII. *Nausea et vomitus*—tantummodo gradu differunt, et inverso musculorum ventriculi et gulæ fibrarum motu efficiuntur.

LXIV. *Inflatio*—ingeneratur aëre ex alimentis solito uberius expedito, et ventriculum quoqueversum distendente. Cùm autem ventriculus eorum, qui hoc morbo marcescunt, acri nimis sensu fit, et illius invaliditudine totus occupetur animus, pauxillum aëris sensum gravis distensionis moveat. In nonnullis ventigenis inflatur ventriculus aëre communi, quem, dum spiritum, quo intus parturiunt, edere enituntur, extrinsecus hauriunt *.

LXV.

* Aud. MONRON. *Praelect.*

LXV. Opinatus est JOANNES HUNTERUS †, aëra, quo distenditur ventriculus, hoc ipso organo fecerni. Hanc opinionem accepit, quia incredibilis ferè aëris quantitas, ex hoc, quoties podagrâ tentatur, subinde transmittitur; quia in quorundam piscium vesiculis, in quas introitus aëri externo nullus est, aër continetur; et denique, quia, in utero, necnon in quibusdam abscessibus, magna vis aëris interdum colligitur.

LXVI. *Ructus et ruminatio*—efficiuntur; ille multo spiritu, qui, ventriculo, quo, in carcere velut, includitur, magnopere irritato, motuque ejusdem fursum verso, quâ data porta, per *cardiam* erumpit, et, gulæ orisque viâ, in auras se dispergit; hæc autem parte inclusi spiritûs cum solidis alimentorum partibus commixtâ, sic ut hæc, prae levitate, ventriculi liquori supernatantes, imam gulæ partem irritent, atque, motu
hujus.

† *On the Animal Oeconomy*, pagæ 164, 165.

hujus itidemque ventriculi retrorso, in os ejaculentur.

LXVII. *Cardialgia*—enascitur acore vitiatō vel corrupto, quem ipsum efficit vel acris quaedam materia remorantibus in ventriculo alimentis ingenerata, vel ipsa haec ad acescendum iusto procliviora. Quoties acor hic corruptus, ad *cardiam*, et imam gulae partem, retroactō ventriculi motu eliditur, illae partes, velut si adurat calidi quid, acriter dolent.

LXVIII. Veruntamen, utrū alterutraque (LXVII.) causa generetur hic acor, an ex sanguine circumfluo in ventriculum pravus secernatur†, an ex omnibus his causis simul conspirantibus proveniat, certō affirmare non possumus.

LXIX. *Gastrodynia*—ut nobis videtur, fibris ventriculi musculosis sese inordinatē et iusto
enixiūs

† Vide HUNTER *On the Animal Oeconomy*, pagē 163.

enixiùs contrahentibus plerumque tribuenda est. Convenit enim nobis cum HOFFMANNO, hujusmodi contractiones, quas *spasmos* appellant medici, debilitate seu infirmitate fibrarum motricum exoriri.

LXX. 1. Nulla, quibus utuntur medici, verba vim minùs definitam et determinatam habent, quàm *cardialgia* et *gastrodynia*. CULLENUS, qui de medicina optimè meritus est, quam vim habeant haec verba, vel saltem habere debeant, accuratè, haud ita pridem, definivit.

2. *Cardialgiâ* intelligendam vult hic (LXX. 1.) auctor molestiam vel aegritudinem, quae ipsi aegro videtur, tanquam acri aliquo ventriculo adurente moveri; *gastrodyniâ* autem eos dolores, qui aliquo velut ventriculum discindente, pungente, constringente, aut demum magnopere quoquo versum distendente, nullo interea caloris sensu, acrimoniae nullo, concitantur.

LXXI.

LXXI. *Alvi tarditas*—pendet de debilitate atque torpore intestinorum, et tarda ventriculi ipsius exinanitione. Tantum enim intestinis cum ventriculo intercedit consortium, ut, hoc debili et tardè sese evacuante, illa torpeant, neque contenta, statutis temporibus, ut firma solent, deorsum eliminant.—Interdum verò recrementa alimentorum, acria remorando facta, usque eò intestina irritant, ut praeceps alvi exinanitio subsequatur : et profectò, absque foret experientia, ex qua alvum plerumque pigram esse cognovimus, acor, qui inest ventriculis eorum qui malè concoquunt, committeret, ut, propriis *dyspepsiae* signis ventris proluviem semper annumerandam esse, opinaremur.

LXXII. *Palor*—sanguinis defectui tribuendus est, et minuto motui cordis, arteriarum, caeterarumque partium, quibus vel ministris vel adjuvantibus in circuitum sanguis movetur. Sanguis etenim eorum, qui mala alimenti concoc-

tione

tione macerantur, non solùm parcus est, sed etiam, prae ejus crassaminis exiguitate, solito dilutior.

LXXIII. *Flavus*,—quem curis ducit, color, fortasse bile primis viis cumulata efficitur; vel, ut nonnulli putant, fero, quo sanguis eorum, qui escas malè concoquendo macruerunt, redundare et superfluere solet.

LXXIV. *Capitis mala*—ex infirmitate ventriculi enascuntur, propter mirandum consortium, quod huic est cum illo, sed quod nondum medici nedum *anatomici* potuerunt satis expedire. Verùm tanta enimvero est confociatio ventriculi et caeterarum corporis partium, imò communitas tanta, ut, illo imbecillo aut languescente, haec feriùs ociùs imbecillitatis et languoris consortes fiant. Fortasse autem interdum caput, a nimio sanguine huc fluente, malè se habeat.

LXXV. *Oris mala*—confortio modò (LXXIV.) dicto itidem attribuenda sunt. Licèt enim ex ore malè se habente fitis interdum moveatur, tamen multo saepius accenditur invaletudine ventriculi.

LXXVI. *Difficultas spirandi, palpitatio, et animae defectus*—efficiuntur vel ventriculo nimio-
pere distento, et sic naturalem thoracis amplitudinem minuente; vel mirâ ventriculi, cordis, et pulmonum confortione.

LXXVII. *Animus demissus*.—Animum aliis in ventriculum assumptis aliter se habere, inter omnes convenit. Quantum inter se differunt diversi ebrii? Cerevisiâ poti, corpore torpidi sunt, et animo hebetes; iis, ex toto, dispares facietis, qui edentulo interioris notae Falerno mero caluerunt. Neque, profectò, hi minùs dissimiles sunt iis, qui liquoribus distillatis meracioribus lymphati, sunt, LAPITHARUM olim instar, iracundi et rixosi. Cùm ita sit, minimè mirandum est,

ventriculo imbecillo et marcescente, animum demitti et contristari.

LXXVIII. *Hydrops*—efficitur laxitate totius corporis, qua, mirum in modum, afficiuntur ii, quorum vires mala alimentorum concoctione diu labefactatae sunt.

LXXIX. *Febris*,—qua ii, quibus inveteraverit mala concoctio, implicantur, eâdem causâ, qua *hydrops*, enascitur. *Gastrodynia* autem, si gravis admodum sit, itidem efficiat, ut arteriae, sicut eae febrientium, citatim et inordinatè moveantur.

PROGNOSIS.

LXXX. De iis, qui hoc morbo languescunt, rarò desperandum est. Quò autem ejus consecutiones sagaciùs praevideant, et praevisas prae-nuncient

nuncient medici, eos oportet, qua aetate aegrotans sit; mas sit an foemina; quo corporis temperamento sit; quam artem faciat; qualis conditio vitae; qualis etiamnum corporis habitudo; demumque, quibus causis ipse provenerit morbus; sedulò animadvertere.

LXXXI. Cùm juvenes, aut aetate medii, malâ concoctione nondum inveteratâ, et vel causis, quae corpus rectâ debilitant, vel sordidâ et insalubri, qua versantur, arte effectâ, laborant, bonum est: quippe quia, causis vitatis vel submotis, et derelictâ arte, apto regimine et medicinâ bene denuo alimentum plerumque concoquunt, et vires redipiscuntur.

LXXXII. Quòd si aetate provec̃ti macrescunt malâ concoctione, quam longus et multus usus incitantium moverit; quae gravia signa habeat; et quae, idoneis medicamentis ad sanam perduc-

ta,

ta, iterum iterumque gravior rediverit ; ab iis, profectò, curatio vix expectanda est.

LXXXIII. Postquam omnia medicamenta, quae concoctionem reficere praedicantur, tentata sunt, et omnia parùm profecerunt tentata, tempus, medicinâ efficacius, curationem admovet. Ne itaque desperent ii, qui pravâ concoctione diu macerati fuerint ; cùm secum sobrietatem, temperantiam, et novam haud rarò ventriculi firmitatem, afferat obrepens senectus.

C U R A T I O.

LXXXIV. Quo modo morbi arceantur, vel praesentes abigantur, is profectò cum proprio cujusque aegri corpore, et propriis cujusque morbi causis et signis, variat. Ut igitur morbus, de quo a nobis disputatur, vel non incidat,
vel,

vel, si inciderit, quàm primùm perducatur ad sanitatem, capienda sunt consilia quaedam non solum causas vitandi, et signa leniendi, sed etiam eam ventriculi infirmitatem, ex qua, velut ex trunco, enascuntur signa, in melius mutandi.

LXXXV. Nulla aptiora consilia, ut nobis videtur, excogitari possunt, quam ea, quae sibi met proposuit CULLENUS, et quae itidem persequi nobis in animo est. Horum

Primum est, causas evidentes, ex quibus morbus proveniat, quàm maximè evitare;

Secundum, signa quaedam, quibus quasi alitur morbus, curare vel lenire; et

Tertium, resolutio ventriculo firmitatem et vigorem restituere:

CON-

CONSILIUM PRIMUM.

LXXXVI. Quod ad primum consilium attinet, oportet medicos aegrum certiore identidem facere, nisi causas omnes remotas, ex quibus, sicuti ex solo et radicibus, morbus enascitur, sedulò evitet, medicinam nihil omnino profecturam. Dolendum autem est, aegros hujusmodi consilia invitis plerumque auribus accipere.

LXXXVII. Priùs, quàm, quibus medicamentis absolvatur secundum consilium, dicamus, haud alienum erit, qua diaetâ vivendum sit ab iis, qui malè concoquant, perpaucis memorare. Diaetâ enim parùm idoneâ, nihil omnino valebit medicina *.

LXXXVIII. Ea pars cibi, qui ex iis conficitur, quorum stirpes terrâ pridem continebantur,
constare

* Vid. HOFEMAN. tom. II. p. 70.

constare debet ex iis, naturâ parùm ad acescendum proclivibus, et concoctu facilibus. Aegro, si non debilis fit, his, magna ex parte, vivere liceat.

LXXXIX. Quoniam verò hujusmodi (LXXXVIII.) cibus, iis, qui malè concoquunt, plerumque parùm convenit, oportet eos, prae caeteris, multùm vivere carnibus; imprimis autem ferinis, quippe cùm, forsitan, domesticis salubriores sint. Quinetiam, carnes animalium, quae jam adoleverint, anteferendae sunt iis impuberum; propterea quòd et promptiùs concoquuntur, et tardiùs corrumpuntur.

XC. Carnes, utriusque (LXXXIX.) generis sint, vel lento igne coqui, vel igne torreri, vel fervente aquâ, usque ad crassitudinem jusculi, incoqui debent. Suadet HOMIUS *, ut aeger, quoties carnes edit, multùm sale communi sibi quotidie indulgeat. “Animal food”, ait WITH-

ERSIUS,

* Vid. HOM. *Princip. Medicin.* p. 259.

ERSIUS, “should be kept some time before it is
 “used, that by having undergone a slight de-
 “gree of fermentation, it may be sufficiently
 “tender and easy of digestion *”.

XCI. 1. Cùm inveteraverit *dyspepsia*, et, quae
 in ventriculùm assumuntur, ea brevi fermenten-
 tur, cibus ex carnibus cum aromatibus et con-
 dimentis, ferè ex toto, constare debet. Nisi
 enim PRINGELIUM propria experimenta fefelle-
 rint, cibus vel ex carnibus, vel ex iis quae pa-
 rit terra, ex toto confectus, aegriùs fermentef-
 cit, quàm ex utrisque compositus †.

2. Contra autem ea (xci. 1.), cibus, qui ex
 utrisque partim componitur, aegriùs, ut opinatur
 JOANNES HUNTERUS, ventriculo fermentatur,
 quàm qui ex alterutro genere solo constat.

“ Animal

* Vid. *Observations on Chronic Weakness*, p. 113.

† Vid. PRINGEL. Appendix to the *Diseases of the Army*,
 Exper. 36 et passim.

“Animal food”, ait hic auctor peringeniosus”,
“does not so readily ferment in the stomach,
“when combined with vegetables, as when it
“is not; for the vegetables, running more quick-
“ly into fermentation, preserve the meat from
“putrefaction *”.

XCII. Animalia crustata, pisces testacei, et alburni, quippe cùm oleo non abundant, plerumque iis, qui malè concoquunt, haud alieni sunt. Ab omnibus autem dulciariis, pinguibus, oleosis, et unguinosis perseveranter abstinere, eos, qui dissolutione stomachi tentantur, oportet.

XCIII. Lac et lactantia iis stomacho imbecillis ferè parum conveniunt. Fuerunt tamen nonnulli stomacho dissoluti, qui diætâ e lacte, simulque ex frugibus et reliquis quae terra pa-

G

rit,

* Vid. JOAN. HUNTER. *Observations on the Animal Economy*, pagæ 161.

rit, aliquandiu vivendo, multum commodi fecerunt. Ut talem diaetam assumerent, quibusdam biliosis et intestina infirmis praecepit SYDENHAMUS*, quorum ventriculis caro, qualiscunque esset, erat aliena. Nullis verò, nostrâ opinione, nisi junioribus, quibusque nondum multum defluerint vires, persuadere, ut hujusmodi diaetâ vivant, medici debent.

XCIV. Aqua cocta, in quam macerata est *cacao*, stomacho marcescentibus aptior est, quàm aqua cocta, in quam *thea* aut *coffea*. Aqua verò ex his posterioribus, quippe cum ventriculum jucundè stimulet et animum exhilaret, potest tutò bibi post laborem et fatigationem.

XCV. Fructus plerumque ventriculo imbecillis parùm conveniunt. Ante autem meridiem,
et

* Vid. SYDENHAM. *Oper. Univers.* Dissert. Epist. ad G. COLE; necnon p. 574, ED. LUGD. BAT. M,DCC,XXVI.

et per se, minùs nocent, quàm post, et cum aliis conjuncti aut commixti.

XCVI. Quibus est ventriculi invaletudo, eos, prae caeteris, escam dentibus penitùs conficere oportet. “ Qui”, ut bene ait GAUBUS, “ prae voracitate, cibos solidos, tenaciores, priusquam deglutiant, commanducare praetermittunt, ventriculo plus facessunt negotii, quàm natura imposuit *.”

XCVII. Ventriculo imbecilles debent commixtos cibos averfari, neque unquam plùs unum alterumve assumere. “ One of the dietetic rules of most consequence to health”, ait TISSOTUS, “ and which becomes more particularly necessary to a weak stomach, is to avoid mixing a great variety of food together, and never to eat of more than two, or at most three, dishes

* Vid. GAUB. *Instit. Pathol. Med.* pag. 240.

“ dishes at one meal ; those who confine themselves to one, are still more prudent *”.

XCVIII. Potus optimus est vel aqua mera, vel aqua ex tosto pane. Liquores omnes imbecilles fermentando parati, utpote qui ad coacescendum apti sint, debent vitari. *Cerevisia* autem *valentissima Londiniensis*, liquores ardentiores meraci aquâ diluti, nec non vina meraciora, imprimis *Madeirense*, et *rubrum Lusitanum*, ventriculis imbecillibus apta sunt.

CONSILIUM SECUNDUM.

XCIX. His (LXXXVI. XCVIII.) de primo consilio fusiùs dictis, nunc, quo modo, quibusque medicamentis, signa, unde ventriculo aegri plurimum detrimenti faciant, sanari vel levari possint, nobis dicendum est.

C.

* Vid. TISSOT. *On the Diseases of Litter. and Sedent. Persons*, § 64.

C. *Anorexia, nausea.*—1. Si, ut plerumque est, haec mala cruditatibus efficiantur, neque abstinentiâ modicâ, aromaticis, et amaris potuerint tolli, tunc vomitoria assumenda sunt. Ex his autem mitiora validioribus anteferri debent, velut aqua cocta, in quam maceratus est vel raphanus rusticanus, vel finapis, vel *theae viridis* folia, vel chamaemeli flores.

2. Vomitus autem non solum lenioribus (c. 1.) medicamentis moveri debet, sed etiam quàm rarissimè.

CI. 1. Vomitus, si cruditatibus ventriculum offendentibus cieatur, cautè eliciendus est medicamentis, ex iis quae diluunt. Ventriculo autem cruditatibus exonerato, vomitus sistendus est. Hoc consilio, varia dilaudantur medicamenta. Haustus salinus effervescentes, saepenumero contra vomitum efficax est.

2. Haud rarò autem ad alia, quae plùs pol-
lent, confugere opus est. Hujusmodi sunt opi-
um; aether *vitriolicus*; aqua cocta, in quam
multum menthae maceratum est; acida varia; ex-
ulceratorium externo abdomini, contra ventri-
culum, impositum; anodyna per anum, clyste-
ris ope, immissa.

3. Si etiam haec (ci. 2.) omnia, ad vomitum
sedandum, non satis valeant, tunc, auctore GU-
LIELMO HUNTERO, lac perexiguâ quantitate sub-
inde devorandum est. Hoc enim, prae eximiâ
simplicitate et naturali quadam dulcedine, inter-
dum dissolutis sedet stomachis, quibus omnia
ferè alia aliena sunt *.

CII. *Cardialgia*.—I. Ad hanc curandam, vel
saltem levandam, multum valet idonea diaeta.
Quae igitur sibi optimè convenit, eam quisque
assumat. Sed rarò diaeta, per se, satis efficax est.

* Vid. *Lond. Med. Observat. et Inquir.* vol. 6. p. 310.

2. Hoc (CII. 1.) malum interdum levant medicamenta, ex iis quae illinunt, et opium. Plerumque autem iis, qui ventriculo marcescunt, auxilium, contra hoc signum, petendum est ab iis medicamentis, quae neutra acida reddunt. Hujus generis sunt *ammonia*; *potassa*; *magnesia* in calcem, igne ministro, redacta; aqua calcis. *Potassa* aquâ soluta, et *gase acido carbonico*, ad nimietatem usque, saturata, aequè stomacho apta est, et contra *cardialgiam* efficax.

CIII. *Gastrodynia*.—Ventriculi dolores interdum mitigant medicamenta, ex iis quae illinunt. Cùm verò plerumque spasmis fibrarum carnosarum ventriculi concitentur, ferè opus est eos fugare efficacioribus medicamentis, quae incitandi et spasmum solvendi potentiâ valent. Hac vi insigniter pollent *ammonia*; *spiritus ammoniae foetidus*; *moschus*; et, prae omnibus aliis, opium, quod, in hujusmodi malis, summis laudibus

SYDENHAMUS

SYDENHAMUS evehit †. Eadem haec remedia flatum dispergunt, et tormina consopiant.

CIV. *Alvus astricta*.—1. Alvi tarditas et duritia, quibus stomacho imbecilles ferè semper afficiuntur, multùm ad caetera signa graviora reddenda valent. Igitur alvus identidem emollienda est et cienda idoneis medicamentis.

2. In hunc verò (CIV. 1.) finem, nulla, quae praecipitem alvi exinanitionem faciunt, assumi debent; eoque minùs, quòd ventriculum et intestina adhuc magis infirmant, et sic efficiunt, ut alvus, quàm antea, tardior evadat. Quocirca, caeteris omnibus anteferenda est aloë; quippe quae, intestinis tenuioribus parùm citatis, pleniora tantùm, imprimis colon et rectum, ad contenta recrementa dejicienda, sollicitet. Hoc consilio, devorari, alterno quoque die, vel pilulae

† Vid. SYDENHAM. *Oper. Univers.* p. 186.

lae ex ea, vel, ut FOTHERGILIUS praecipit, aqua calcis, qua soluta est.

3. Quòd si, ut saepenumero est, stomacho dissoluti simul *haemorrhoides* plectuntur, ab aloë, quippe cùm hoc malum intendat. abstinendum est. Ejus vice, assumi debent flores sulphuris; *magnesia* per se, vel cum radice Ponticâ conjuncta; linctus e sena, cui insunt pulvis *jallopae*, et *cremor tartari*. Quinetiam, radicem Ponticam subinde interdium commanducare, utilissimum est; quia non solùm alvum leniter movet, sed etiam appetitum.

4. Denique, eodem (civ. 1.) fine, licèt desiderium alvi nullum sit, ii, qui ex imbecilli stomacho laborant, statuto quotidie tempore desiderare debent. Tardâ enim naturâ, sic per complures dies aut hebdomadas sollicitatâ, haud raro, ut JOANNI LOCKIO, armigero, accidit, alvus,

H

etiam

etiam non imperante voluntate, tandem consuecit faeces quotidie horâ solitâ dejicere *.

CONSILIUM TERTIUM.

CV. Duabus tripartitae (LXXXV.) curationis partibus, pro virili, absolutis, restat nobis, ut tertiam itidem persequamur, cujus finis est amissum ventriculo vigorem restituere.

CVI. Hoc (CV.) consilio, acida fossilia assumenda sunt, quia non solum leviter stimulant tardum et languidum stomachum, et obstant quò minùs ejus contenta fermentescant, sed etiam ei bene conveniunt.

CVII. Haud ita pridem periculo compertum est, acidum e re terrâ genitâ, subjecto igne, elicatum,

* Vid. HALLER. Disput. Med. Inaug. de Consuetudine, EDIN.
ann. M,DCC,XCV. § XCV.

elicitum, neque in stomacho ad coalescendum aptum, etiam fossilibus praepollere. Hoc medicamentum, cui plerumque nomini est *aqua picea*, etiamsi ejus efficacia in majus celebraretur a BERKELEIO *, qui scriptis id laudibus tollebat, necnon a PRIORE, et aliis; tamen CULLENUS ipse confitetur, et idem propriâ experientiâ novimus, haud rarò multùm prodesse, et stomachum confirmare, et omnia curare mala, quae secum *dyspepsia* affert †.

CVIII. Amara, ex iis quae terra parit, cùm et roborent et astringant, multùm, si peritè et prudenter adhibeantur, ad ventriculum firmandum pollent. Lignum *quassiae* palato gratum est, et stomacho bene sedet. *Columba* etiam, radix *gentiana*, et chamaemeli flores, multùm proficiunt. His identidem adjiciatur cortex aut *aurantiorum*,

* Vid. Libell. cui nomini est *Siris*, p. 6, 41, 42, et passim. edit. II.

† Vid. CULLEN. *Mater. Med.* vol. II. p. 334.

rantiorum, aut cinnamomi, aut *angusturae*. Haec enim illa non solum minus ingrata reddunt, sed etiam vi stimulatrice virtutes illorum adjuvant.

CIX. 1. *Cinchona* verò aliis omnibus, terrâ natis, praepollet vi roborandi; et iis, qui ex stomacho dissoluto laborant, adhiberi debet cum *magnesiâ* conjuncta *. Hoc remedium, acorem obtundendo, simulque alvum leniter aperiendo, hujusmodi aegris insigniter proficit.

2. Quòd si, ut interdum accidit, *cinchona* pulvere stomacho parùm conveniat, efficiendo ut contenta fermentescant; tum, vice pulveris, assumenda est aqua cocta ex eâ, vel aqua frigida ex eâdem, vel liquores ardentes ex eâdem, vel vis ejusdem apto quolibet ministroeducta.

CX. E genere amarorum aliud est, quod HOMIUS, ut certiores nos faciat, interdum cum fructu

* Vid. SKEET. *Essay on Peruvian Bark.*

tu adhibuit; scilicet bilis bubula, usque ad octavam partem vaporando conspissata. Hujus drachmae dimidium, bis terve in diem, dare mos est *. Quid possit hoc medicamentum, compluries periclitati sumus; sed, quoad percipere potuimus, nihil omnino profuit. Quinimo, in exiguis etiam dosibus, alvum liquavit.

CXI. In continuato amarorum usu minimè nimis diu perseverandum est. Nam, ut vis carnosarum animalium fibrarum, usque ad certum gradum, neque plùs ultra, intendi potest; sic perseverantior roborantium medicamentorum usus eam non modò non ultrà intendit, sed etiam remittit. Rem ita esse, satìs supèrque ostendit *pulvis Portlandicus*.

CXII. Praeparata complura e ferro, quippe quibus, ut putant plurimi, imprimis SYDENHAMUS, insit peculiariter ferme roborandi facultas,

iis

* *Praelect. Clinic.* ann. M,DCC,XCIV.V.

iis adhibere, qui, prae ventriculi infirmitate, eas malè concoquunt, diu usitatum est.

CXIII. Ferrum, *acido vel carbonico vel sulphurico* solutum, cui nomini *aqua mineralis* est, gratum profectò est medicamentum. Commodum verò, quod ex hujusmodi aquam, ubi fontibus sponte exsilit, bibendo infirmi faciunt, non tam forsitan ipsi aquae tribuendum est, quàm aëri salubri, exercitationi, animi tranquillitati, laeto convivio, quibus ibi fruuntur.

CXIV. Exercitatio, porrò, pars regiminis est, unde infirmi, imprimis stomacho imbecilles, insignè commodum faciunt. Neque profectò hoc mirum est; cùm praesertim ignaviâ solâ haud rarò stomachus infirmus et concoctioni impar reddatur. Verùm enim verò, exercitatio quotidiana et modica, non solùm ad incolumitatem et animi et corporis necessaria est; sed etiam, contra morbos plurimos, quibus pedetentim vires labefactantur,

labefactantur, plurimùm valet. Muscuïosas fibras flexibiles simulque validas reddit ; et sic, universo corpore confirmato, facit, ut homo optatâ valetudine fruatur, et novo interdum superbiat vigore.

CXV. Quinetiam, motus, in quos, dum exercitamur, musculi rapiuntur, concitando motionem cordis et arteriarum, et sic sanguinem in extremum corpus enixiùs impellendo, cutis exhalationem elicit. Quo factò, confirmatus ob consortium, quod ei est cum summâ cute, ventriculus, cibos cupidiùs appetit, et meliùs concoquit assumptos ; simulque calor corporis, antea, prae languido sanguinis motu, iusto remissior, salubriter intenditur.

CXVI. Ex ambulatione, qua in extremitates inferiorum sanguis impellitur, omnia haec (CXIV.-CXV.) commoda plerumque percipiuntur. Quòd si aeger adeo sit debilis, ut, sine defatigatione,

fatigatione, aliquantisper ambulare nequeat, eum, ejus vice, gestatione vel potiùs fortassè equitatione quotidie uti oportet. Motione etenim, quam equitando totum corpus concipit, nihil, ut fert HUXHAMUS, plùs valet ad discutiendos morbos, e quibus abdominis viscera solent laborare *. Intelligendum autem est, equitationem, illico post ventriculum cibis et potionibus gravatum, tantùm abesse ut profit, ut concoctionem ferè semper, plùs minùs, impediat.

CXVII. Navigatione, etiamsi exercitatio levis et aequabilis sit, tamen saepenumero uti nequimus, ob plurima incommoda, quae secum affert.

CXVIII. I. “ Denique omnis exercitatio at-
 “ que gestatio sub pleno Jove, et in aëre puro,
 “ et sicco, et frigidulo, fieri debet. Bonus enim
 “ aër

* Vid. HUXHAM. *Opuscul. de Morbo Colico Dæmoniorum*, p. 38.

“ aër ipse inter efficacissima roborantia remedia

“ jure habetur *.”

2. “ Purus praeterea aër corpus reficit atque
 “ refrigerat, vires fortasse multùm labefactas
 “ confirmat, cibi appetitum, et concoctionem
 “ juvat †.”

CXIX. 1. Frigidarium, ad confirmandum corpus, multùm pollet, et in quotidiana ejus descensione, per longum tempus, nullo hinc capto detrimento, perseverari potest. Multùm utique proficit iis, qui stomacho infirmi sunt, dummodo vires longâ invaletudine nondum perquam defluerint. Propter enim miram omnium corporis partium consortionem et quasi communiter, quantum prodest summæ cuti, tan-

I

tùm

* Vid. GREGOR. *Conspect. Medecin. Theoret.* tom. II §
 1117.

† Vid. GREGOR. *Conspect. Medecin. Theoret.* tom. II. §
 1038.

tum intimis et reconditioribus visceribus. Morbidam irritabilitatem, quae eorum communis est, qui stomacho imbecilles sunt, insigniter hebetat; simulque delicatam eorundem corporis constitutionem firmam reddit.

2. Temperie utriusque eâdem, utrùm plùs prodest frigidarium, aquâ marinâ; an frigidarium, aquâ dulci?

CXX. Frictio externi abdominis e regione ventriculi, utpote quae vasa cutis incitet, et, ob confortium (CXIX. 1.) partium, ea itidem ventriculi ipsius, iis, qui malè concoquunt, commodum afferre videtur. Revera prodesse, periculo comperti sunt TISSOTIUS *, WHYTTIUS †, et RUTHERFORDIUS ‡,

CXXI.

* Vid. TISSOT. *On the Diseases of Liter. and Seden. Persons*, § LXXXIV.

† Vid. WHYTT. *On Nervous Diseases*, p. 357. Edit. Ed. M,DCC,LXV.

‡ RUTHERFORD. *Praelect. Clinic.* ann. M,DCC,XCIII.-IV.

CXXI. Ob eundem partium inter se consensum, per quem prodest frictio, stomacho marcescentibus proficeret, lanea cuti proxima, a capite usque ad calcem, habere. Contrà quidem dici potest, lanea cuti proxima alvum astringere, ut ab omnibus concedendum est, qui, quantum possint ad solutam alvum firmandam, animadverterint; ideoque, quantum profunt unum malum levando, tantum nocere gravius reddendo aliud. Nihilo verò minùs, cùm, ne alvus tardescat et astricta fiat, praecavere possimus idoneis emollientibus, ex laneis cuti proximis expectandum potiùs esse commodum, quàm malum timendum, opinamur.

CXXII. Oportet eos, qui ventriculi invaletudine marcescunt, migrare, primo quoque tempore, in regiones, ubi caelum siccum est et calidius. In BRITANNIA verò, salubrem hujusmodi locorum perennitatem invenire, arduum est. Cùm ita sit, a BRITANNIS, qui, prae stomachi

machi dissolutione, e mala escarum concoctione laborent, quotannis, appropinquante hieme, in regiones propiore sole calentes, et fereniores habentes dies, demigrandum est.

CXXIII. Animus demissus malam concoctionem saepe comitatur, neque profectò, illo contristato, haec potest sanari. Cùm ita sit, plurimum interest, e stomachi invaletudine laborantibus animos, quotquot potest modis, tollere.

CXXIV. Hunc in (CXXIII.) finem, qua mente et indole sit aeger, introspicere et pertentare medicum oportet. Quibus perspectis, ei, quantum possit, mos gerendus est. Laeto quoque mali exitu praedicto, eum confirmare, et ad spem sanitatis erigere, perutile est: nam, utcunque re leve id sit malum, de quo aeger conqueratur, tamen neutiquam nihili habendum est a medico.

CXXV.

CXXV. Quinimo, eodem (cxxxiii.) consilio, multùm proficiet iis, stomachi invaletudine trifticulis, immiscere se rei alicui, quae, dum animos occupat, non nimis intendat. Nam melius est, semper pro oculis habere aliquid expectandum, quod labore consequantur, quàm occupari, quo modo nihil prorsùs utile agendo brevis eheu ! nimis vitae summa praeterlabatur.

CXXVI. Seriis rebus intermissis, animus identidem relaxandus est ludo, joco, aliisque oblectamentis. Haec enim animum, qui seriis fatifecerit, multo magis recreant, quàm ignaviâ languidum et demissum. Intelligendum autem est, omnia, quibus remittatur animus, plùs profutura, si sint sub pleno Jove, et simul, velut aucupatio, venatio, equitatio, dum, novis deinceps oblati, mentem in varias rapiunt partes, corpus mediocriter exerceant.

CXXVII. Eorum, porrò, interest, quibus stomachus resolutus et languidus est, rationem
habere,

habere, et quando et quamdiu dormiant. Quòd ad tempus enim, quo somnus capitur, intelligendum est, somno, quem, a media nocte ad octavam horam ante meridiem, aliquis capit, vires non aequè refoveri, ac eo, quo fruitur a decima hora nocturna ad quintam matutinam.

CXXVIII. Quare ita (cxxvii.) sit, forsitan potest eo explicari, quòd febricula, qua etiam sanissimi quotidie plùs minùs implicantur, aliqua ex parte, arcetur somnum primâ nocte ineundo; et, primulo mane, expergiscendo vitantur debilitas ea et laxitas, quibus somniculosi afficiuntur *.

CXXIX. Succo *gastrico*, ut iis accidit, qui a stomachi invaletudine laborant, vel deficiente vel vitiato, ejusdemmodi succus aliorum animalium, in ventriculum assumptus, ejus vice, ad
tempus,

* Vid. A. P. WILSON. Dissert. Inaug. *De Dyspepsia*, p.

tempus, fungi potest. Hoc probabilissimum reddit id, quod literis prodidit CARMINATIUS, medicus ITALICUS; qui, plurimis medicamentis, quibus *Dyspepsiam* sanaret, frustra adhibitis, tandem induxit in animum periclitari, quid succus aliorum animalium *gastricus*, contra eandem, posset. Periculo facto, res ad spem processit: nam aeger primum levatus est, deinde ad sanitatem perductus.

CXXX. Etiam si de medicamentis fusè dixerimus, tamen, ut nobis videtur, eos, quorum ventriculi concoquere nequeunt, ad ea, ut ad concoctionem valeant, neutiquam, nisi cum urgeat necessitas, confugere oportet. Quinimo, si quando ea assumere opus sit, caveat aeger, ne multo eorum usu sibi indulgeat, aut diuturno perseveret; nam, licet praesentia mala levent, tamen efficiendo, ut ingravescat prima causae origo, committunt, ut, haud multò post, graviora superveniant.

CXXXI. Cùm ita (cxxx.) fit, ii, quotquot, prae ventriculi invaletudine, escas concoquere nequeant, a medicamentis, nisi ubi urgeat necessitas, abstineant; et quàm possint maximè dent operam, ut diaetâ idoneâ, aëra purum et frigidulum hauriendo, sese quotidie exercitando, in frigidarium uno alterove die descendendo, omnibus simul causis, quae occasionem praebeant, sedulò vitatis, primam mali originem stirpitùs tollant.

F I N I S.

CORRIGENDA.

- § XXIV. lin. 2. pro *epigastrei*, lege *epigastrii*,
 XLVIII.—.11. pro *nequunt*, lege *nequeunt*,
 XCVI.—.3. pro *GAUBUS*, lege *GAUBIUS*,
 CI. 1.—.1. pro *Vomitùs*, lege *Vomitùs*,—

